

Dastlabki ma'lumotlar

## 2020-yil yanvar-fevral oylarida xizmatlar sohasining rivojlanishi

Jamiyatning rivojlanishi hamda ishlab chiqarish kuchlarining o'sishi bilan, xizmatlar sohasining muayyan rivojlanishi yuz beradi. Hozirda bu sohada ish bilan bandlikning oshishi, mehnatni texnik jihozlanishining o'sishi, ilg'or texnologiyalarning joriy etilishi kuzatilmogda.

Zamonaviy iqtisodiyotda xizmatlar sohasining o'rni, mazkur sohada iqtisodiy o'sishning asosiy omillari, aynan, yangi ilmiy bilimlar, aqliy kapital, axborot texnologiyalari, moliya sektori xizmatlari, konsalting va boshqalar shakllanishi bilan izohlanadi.

### 2020-yil yanvar-fevral oylarida xizmatlar sohasining asosiy ko'rsatkichlari



Dastlabki ma'lumotlar

Xizmatlar sohasining jadal o'sishi yangi faoliyat turlari va investitsion imkoniyatlarning paydo bo'lishi bilan bog'liqdir. Bugungi kunda kredit-moliyaviy, axborot, telekommunikatsiya, tibbiy, intellektual va ko'ngilochar xizmatlar bozorlari rivojlanmoqda.

**Xizmatlar sohasi** — bu korxonalar, tashkilotlar, shuningdek jismoniy shaxslar tomonidan ko'rsatiladigan turli xil turdagi xizmatlar, ishlab chiqarishni o'z ichiga olgan umumlashtirilgan toifadir. Ushbu sohani ko'pincha rivojlangan zamonaviy infratuzilma tufayli sanoatdan keyingi iqtisodiy tuzilma tarzida ko'rildi.

Mazkur soha xalqaro korporatsiyalar, banklar, aviakompaniyalar, kompyuter markazlari, telekommunikatsiyalar, sug'urta, yuridik va konsalting firmalari, davlat va nodavlat tashkilotlari, shuningdek, notijorat tashkilotlarni qamrab oladi.


**2020-yil 1-mart holatiga ko'ra,  
xizmatlar sohasida faoliyat ko'rsatayotgan  
korxona va tashkilotlar to'g'risida ma'lumot  
(fermer va dehqon xo'jaliklaridan tashqari)**



Xizmatlar sohasida faoliyat  
ko'rsatayotgan korxona va  
tashkilotlar soni


Ularning umumiyligi  
sonidagi ulushi

O'tgan yilning shu davriga  
nisbatan o'sish sur'atlari



2020-yil 1-mart holatiga xizmatlar sohasida faoliyat ko'rsatayotgan korxona va tashkilotlarning soni 15455 birlikka yetdi yoki ularning umumiy sonining 64,5 % ini tashkil etdi. 2019-yilning shu davriga nisbatan ularning o'sishi 20,0 % ga oshdi.

**2020-yil 1-mart holatiga, xizmatlar sohasida  
faoliyat ko'rsatayotgan korxona va tashkilotlarning  
iqtisodiy faoliyat turlari bo'yicha tarkibi % da**  
*(fermer va dehqon xo'jaliklaridan tashqari)*



Xizmatlar sohasida faoliyat ko'rsatayotgan korxona va tashkilotlar tarkibida savdo faoliyati bilan shug'ullanuvchi korxona va tashkilotlar yuqori ulushni (38,2 %) egallaydi.

Yashash va ovqatlanish bo'yicha xizmat ko'rsatuvchi korxona va tashkilotlarning ulushi 12,2 % ni tashkil etdi.

Xizmatlar sohasida faoliyat ko'rsatayotgan korxona va tashkilotlar tarkibida tashish va saqlash faoliyati bilan shug'ullanuvchi korxona va tashkilotlarning ulushi 8,8 % ga yetdi.

Axborot va aloqa faoliyati bilan shug'ullanuvchi korxona va tashkilotlarning jami xizmatlar sohasida faoliyat ko'rsatayotgan korxona va tashkilotlar tarkibidagi ulushi 1,6 % ga teng bo'ldi.

Dastlabki ma'lumotlar

Sog'lijni saqlash, shuningdek, ijtimoiy xizmatlar sohasida faoliyat ko'rsatayotgan korxona va tashkilotlarning ulushi 3,8 % ni tashkil etdi.

**Ma'lumot uchun:** 2019-yil 1-mart holatiga, xizmatlar sohasida 12775 ta korxona va tashkilotlar faoliyat ko'rsatgan. Ularning umumiy tarkibida savdo xizmatlari – 35,9 %, yashash va ovqatlanish bo'yicha xizmatlar – 10,4 %, tashish va saqlash – 9,5 %, sog'lijni saqlash va ijtimoiy xizmatlar ko'rsatish – 4,0 %, axborot va aloqa – 1,6 %, boshqa turlar – 38,6 % ni tashkil etgan.

Hozirgi kunda xizmatlar sohasi xizmatlarning tabiatи, ularning maqsadi, faoliyat turlari va xizmat ko'rsatish jarayonlarining o'ziga xos xususiyatlari tufayli turli xil funktsiyalarga, manbalarga, ulanishlarga ega bo'lgan murakkab, o'ziga xos ijtimoiy-iqtisodiy tizimdir.

### Ishlab chiqarilgan xizmatlarning asosiy ko'rsatkichlari



Xizmatlar hajmi -  
1431,8  
mlrd. so'm

Hajmning o'sishi -  
277,8  
mlrd. so'm

O'sish sur'ati -  
110,1 %

Dastlabki ma'lumotlarga ko'ra, 2020-yil yanvar-fevral oyida ko'rsatilgan bozor xizmatlari hajmi 1431,8 mlrd. so'mga yetdi. Uning nominal hajmi 277,8 mlrd. so'mga oshdi.

Dastlabki ma'lumotlar

Taqqoslama ekvivalentda, o'tgan yilning shu davriga nisbatan o'sish sur'ati 110,1 % ni tashkil etdi.

Ko'rsatilgan bozor xizmatlari jami hajmining o'sishidagi asosiy omil moliyaviy xizmatlar 52,5 % ga (ko'rsatilgan xizmatlar jami hajmining mutloq o'sishiga ta'siri 6,9 % punkt), savdo xizmatlari 105,1 % ga (mutloq o'sishiga ta'siri 1,3 % punkt), aloqa va axborotlashtirish xizmatlari 110,8 % ga (mutloq o'sishiga ta'siri 0,4 % punkt), sog'liqni saqlash sohasidagi xizmatlarining 115,5 % ga (mutloq o'sishiga ta'siri 0,3 % punkt) o'sishi hisoblanadi.


### Ko'rsatilgan bozor xizmatlari umumiy hajmining o'sishiga, xizmat turlari bo'yicha mutloq ta'siri, f.p.



Dastlabki ma'lumotlar

Iqtisodiy faoliyat turlari bo'yicha ko'rsatilgan bozor xizmatlari tarkibida eng katta ulushni savdo xizmatlari egallaydi. Shunday qilib, 2020-yil yanvar-fevral oyida ularning ulushi 31,1 % ni tashkil etdi. Shu bilan birga, yuqori ko'rsatkichlar transport xizmatlari (22,6 %), moliyaviy xizmatlar (15,9 %), ta'lif sohasi xizmatlari bo'yicha (6,0 %) qayd etildi.

### Iqtisodiy faoliyat turlari bo'yicha ko'rsatilgan bozor xizmatlarining tarkibi % da (2020-yil yanvar-fevral oyida)



Me'morchilik, muhandislik izlanishlari, texnik sinovlar va tahlil sohasidagi xizmatlar hajmining bir oz oshishi kuzatildi, ularning ulushi atigi - 1,1 % ga yetdi. Shuningdek, sog'lijni saqlash sohasidagi xizmatlar - 2,0 % kompyuter va maishiy tovarlarni ta'mirlash bo'yicha xizmatlar - 2,0 %, shaxsiy xizmatlar – 2,1 % ni tashkil etib, ularning jami xizmatlar tarkibidagi ulushlari nisbatan past ekanligi qayd etildi.

Dastlabki ma'lumotlar

**Iqtisodiy faoliyat turlari bo'yicha ishlab chiqarilgan xizmatlarning asosiy ko'rsatkichlari  
(2020-yil yanvar-fevral oyida)**

	Hajmi, mln. so'm	O'tgan yilga nisbatan o'sish sur'ati % da
<b>Xizmatlar - jami</b>	<b>1 431 813,7</b>	<b>110,1</b>
shu jumladan:		
Aloqa va axborotlashtirish xizmatlari	66 546,8	110,8
Moliyaviy xizmatlar	227 307,0	152,5
Transport xizmatlari	323 343,6	100,5
shu jumladan:		
avtotransport xizmatlari	296 686,6	101,0
Yashash va ovqatlanish xizmatlari	65 851,6	102,6
Savdo xizmatlari	444 888,4	105,1
Ko'chmas mulk bilan bog'liq xizmatlari	35 854,7	107,2
Ta'lim sohasidagi xizmatlar	85 923,3	107,5
Sog'liqni saqlash sohasidagi xizmatlar	28 039,8	115,5
Ijara xizmatlari	38 819,6	108,0
Kompyuter va maishiy tovarlarni ta'mirlash bo'yicha xizmatlar	29 350,2	105,7
Shaxsiy xizmatlar	29 843,6	102,9
Me'morchilik, muhandislik izlanishlari, texnik sinovlar va tahlil sohasidagi xizmatlar	16 353,3	97,3
Boshqa xizmatlar	39 691,8	107,6

Innovatsion texnologiyalarni joriy etish va an'anaviy xizmatlarni rivojlantirish bo'yicha aniq maqsadli kompleks chora-tadbirlarni amalga oshirish ishlab chiqarilgan bozor xizmatlari hajmini oshishiga olib keladi.


*Dastlabki ma'lumotlar*

Davlatning iqtisodiy siyosatida axborot va aloqa xizmatlari (mobil aloqa, Internet, raqamli televidenie va boshqalar) kabi zamonaviy xizmat turlarini, shuningdek zamonaviy moliyaviy xizmat turlarini (bank xizmatlari, lizing, sug'urta, audit, konsalting va boshqalar) rivojlantirish alohida ahamiyatga ega.

**Iqtisodiy faoliyat turlari bo'yicha ko'rsatilgan  
bozor xizmatlarining o'sish sur'atlari  
2019-yil yanvar-fevral oyiga nisbatan % da  
(2020-yil yanvar-fevral oyida)**

Eng yuqori o'sish sur'atlari moliyaviy xizmatlar (152,5 %), sog'liqni saqlash sohasidagi xizmatlar (115,5 %), aloqa va axborotlashtirish xizmatlari (110,8 %), shuningdek, ijara sohasidagi xizmatlarda (108,0 %) qayd etildi.

Nisbatan yuqori bo'limgan o'sish transport sohasidagi xizmatlar (100,5 %), yashash va ovqatlanish xizmatlari (102,6 %), shaxsiy xizmatlar (102,9 %), savdo xizmatlarida (105,1 %) kuzatildi.



**Savdo** - bu tovarlarning aylanishini, ularning ishlab chiqarish sohasidan iste'mol sohasiga o'tishini ta'minlaydigan iqtisodiyot sohasidir. Ma'lum bir davlat ichida savdo tovarlarini zarur iste'molchiga yetkazib berish vazifasini bajaradi. U ulgurji


2020-yil yanvar-fevral oyida ko'rsatilgan bozor xizmatlari umumiyligi hajmidagi savdo xizmatlarining ulushi 31,1 % ni tashkil etib, bu 444,9 mlrd. so'mga teng bo'ldi.

O'tgan yilning shu davriga nisbatan savdo xizmatlari hajmi 73,2 mlrd. so'mga oshdi.

### Savdo xizmatlari tarkibi % da (2020-yil yanvar-fevral oyida)

Chakana savdo xizmatlari umumiyligi savdo xizmatlari hajmining qariyb to'rtidan uch qismiga aniqrog'i 81,8 % ga to'g'ri keladi.

2020-yil yanvar-fevral oyida ulgurji savdo xizmatlarining ulushi (avtomobillar va mototsikllar savdosidan tashqari) 10,7 % ga yetdi.



Avtomobillar va mototsikllarning ulgurji va chakana savdosi bo'yicha xizmatlar, jumladan, avtomobillar va mototsikllarni ta'mirlash bo'yicha xizmatlarni qo'shgan holda, savdo xizmatlarining umumiyligi hajmidagi ulushi 7,5 % ni tashkil etdi.

Dastlabki ma'lumotlar


Zamonaviy bank xizmatlarini taqdim etish uchun shart-sharoitlar yaratishda, innovatsion bank texnologiyalarining joriy etilishi orqali chakana xizmatlarni ko'rsatishga ixtisoslashgan "raqamli" banklar va ularning bo'linmalari faoliyatini tashkil etish, masofadan turib bank xizmatlarini takomillashtirish va to'lov tizimini yanada rivojlantirish, moliyaviy xizmatlarning jadal rivojlanishiga xizmat qilmoqda.

### Moliyaviy xizmatlar (2020-yil yanvar-fevral oyida)



2020-yil yanvar-fevral oyida moliyaviy xizmatlar hajmi 227,3 mlrd. soʻmga teng boʼlib, oʼtgan yilning mos davriga nisbatan 91,0 mlrd. soʻmga oshdi. Moliyaviy xizmatlarning oʼsishi 52,5 % ni tashkil etdi.

Moliyaviy xizmatlar umumiylajmi sug'urta va nafaqa ta'minoti bo'yicha xizmatlardan tashqari moliyaviy xizmatlarning ulushi 92,9 % ni tashkil etadi. Joriy davrda sug'urta xizmatlarning ulushi 5,1 % oralig'ida qayd etildi.



Dastlabki ma'lumotlar

Moliyaviy va sug'urtalash xizmatlariga nisbatan yordamchi xizmatlarning umumiyligi moliyaviy xizmatlar hajmidagi ulushi yuqori salmoqqa ega emas va u 2,0 % ni tashkil etadi.

**I**Moliyaviy xizmatlar hajmi, moliyaviy vositachilik hisobidan olingan foizli daromadlar hajmi (xizmatlar uchun belgilangan to'lovlardan miqdorida), shuningdek moliya muassasasi tomonidan ssuda berish yoki depozitni saqlash bo'yicha xizmatlari uchun to'lanadigan haq hisobiga ko'ra olinadi.

Bugungi kunda jahon iqtisodiyotida, kompyuter va telekommunikatsiya texnologiyalari dasturiy ta'minotini ishlab chiqish hamda keng interfaol xizmatlarni taqdim etishni o'z ichiga olgan axborot-kommunikatsiya texnologiyalari (AKT) sektori tobora muhim ahamiyat kasb etmoqda. Rivojlangan davlatlar tajribasi shuni ko'rsatadiki, AKT rivojlanishi mamlakatning raqobatbardoshlik darajasiga bevosita ta'sir qiladi, sizga katta hajmdagi ma'lumotlarni to'plash va umumlashtirishga imkon beradi, strategik darajada boshqaruv uchun katta imkoniyatlar ochadi.

### Aloqa va axborotlashtirish xizmatlari

(2020-yil yanvar-fevral oyida)



Xizmatlar hajmi -  
66,5 mlrd. so'm




2019- yil yanvar-fevral  
oyiga nisbatan o'sish  
sur'ati - 110,8 %



Xizmatlarning jami  
hajmidagi ulushi - 4,6 %

2020-yil yanvar-fevral oyida aloqa va axborotlashtirish xizmatlarning hajmi 66,5 mlrd. so'm darajasida belgilandi. O'tgan yilning mos davriga nisbatan ushbu turdagiligi xizmatlarning o'sish sur'ati 110,8 % ga yetdi. Ko'rsatilgan bozor xizmatlari umumiyligi hajmidagi ulushi 4,6 % ni tashkil etdi.

## Aloqa va axborotlashtirish xizmatlarining tarkibi % da (2020-yil yanvar-fevral oyida)



Aloqa va axborotlashtirish xizmatlari hajmida eng katta ulushni telekommunikatsiya xizmatlari (simli va mobil aloqa xizmatlari, Internet tarmog'i, yo'ldoshli aloqa xizmatlari va boshqalar) egallab, 95,4 % ni tashkil etdi.

Shuningdek, joriy davrda aloqa va axborotlashtirish xizmatlari umumiy hajmda nashriyotchilik xizmatlari – 2,0 %, axborot sohasidagi xizmatlar - 0,8 %, kompyuter dasturlashtirish, maslahat berish xizmatlari va boshqa yordamchi xizmatlar - 0,6 % va boshqa aloqa xizmatlari - 1,2 % ni tashkil etdi.

Ta'lim tizimining rivojlanishi O'zbekistonligi eng muhim ustuvor vazifalardan biri hisoblanadi. Bu sohada amalga oshirilayotgan tub islohotlar, avvalo, inson ongi va fikrlashidagi ijobiy o'zgarishlarni qo'llab-quvvatlaydi va uning ma'nnaviyatini yuksalishiga imkoniyat yaratadi.

Dastlabki ma'lumotlar

Bugungi kunda o'quv jarayonining sifati va samaradorligini oshirishning muhim omili sifatida maktablarni zamonaliv laboratoriya uskunalarini, kompyuter texnikasini, darsliklar va yangi avlod metodik materiallari bilan ta'minlashga alohida e'tibor qaratilmoqda.

2020-yil yanvar-fevral oyida ta'lim sohasidagi xizmatlar hajmi 85,9 mlrd. so'mga yetib, bozor xizmatlari umumiyligi hajmidagi ulushi 6,0 % ni tashkil etdi. 2019-yil yanvar-fevral oyiga nisbatan o'sish sur'ati 107,5 % ni tashkil etdi.

### Shahar va tumanlar kesimida ta'lim sohasidagi xizmatlarning o'sish sur'atlari 2019-yil yanvar-fevral oyiga nisbatan % da (2020-yil yanvar-fevral oyida)



Ta'lim sohasidagi xizmatlarning yuqori o'sish sur'atlari Romitan (128,5 %), Buxoro shahri (108,8 %), Qorovulbozor (105,3 %), Olot (102,1 %) tumanlarida qayd etildi.

Eng past o'sish sur'atlari Kogon shahri (100,0 %), Qorako'l (100,0 %), Buxoro (100,2 %), Vobkent (100,2 %) va Jondor (100,4 %) tumanlarida belgilandi.

*Dastlabki ma'lumotlar*

## Yashash va ovqatlanish bo'yicha xizmatlar (2020-yil yanvar-fevral oyida)

O'tgan yilning shu davriga nisbatan yashash va ovqatlanish bo'yicha xizmatlarning o'sish sur'ati 102,6 % ni tashkil etdi, ularning hajmi esa 13,4 mlrd. so'mga oshdi va 65,8 mlrd. so'mga yetdi.



**Yashash bo'yicha xizmatlar**

**85,0 %**

- Oziq-ovqat va ichimliklar bilan ta'minlash bo'yicha xizmatlar

**15,0 %**



Yashash va ovqatlanish bo'yicha xizmatlar umumiylajma oziq-ovqat va ichimliklar bilan ta'minlash bo'yicha xizmatlarning ulushi 85,0 % bilan ustunlik qiladi. 2020-yil yanvar-fevral oyida yashash bo'yicha xizmatlar ulushi 15,0 % ni tashkil yetdi.


Sog'liqni saqlash tizimini yanada takomillashtirish, tibbiyot xodimlari mehnatini rag'batlantirish, zamonaviy texnologiyalar va davolash usullarini keng joriy etishga katta e'tibor qaratilmoqda.

Bugun viloyatning barcha hududlarida ixtisoslashtirilgan ilmiy va amaliy tibbiyot markazlarida kardiologiya, jarrohlik, ko'z mikroxirurgiyasi, urologiya, terapiya va tibbiy reabilitatsiya, endokrinologiya, pulmonologiya va ftiziologiya, akusherlik va ginekologiya, pediatriya va boshqa sohalarda yuqori sifatli tibbiy xizmatlar ko'rsatilmoqda.

**Sog'liqni saqlash sohasidagi xizmatlar  
(2020-yil yanvar-fevral oyida)**

2020-yil yanvar-fevral oyida sog'liqni saqlash sohasidagi xizmatlarning hajmi 6,8 mlrd. so'mga oshdi va 28,0 mlrd. so'mga yetdi.

O'tgan yilning shu davriga nisbatan o'sish sur'ati 115,5 % ni tashkil etdi.



Ijtimoiy, siyosiy, jamoatchilik muammolarini hududlarning iqtisodiy salohiyatini ko'tarmasdan hamda ularning barqaror rivojlanishisiz hal qilib bo'lmaydi.


Hududiy siyosat maqsadlariga faqat iqtisodiy jihatdan samarali bo'lgan loyihalarni amalga oshirish orqali erishish mumkin.

Bugungi kunda mamlakatimizda hududlarning moliyaviy salohiyatini yuksaltirish va unda xizmatlar sohasining rolini oshirishga qaratilgan iqtisodiy islohotlar izchillik bilan amalga oshirilmoqda. 2017-2021 yillarda O'zbekiston Respublikasini rivojlantirishning beshta ustuvor yo'nalishi bo'yicha Harakatlar strategiyasini amalga oshirish doirasidagi loyihalar bu boradagi ishlар ko'lamini kengaytiradi.

Dastlabki ma'lumotlar

Xizmatlarning umumiyligi hajmida Buxoro shahrining ulushi eng ahamiyatli bo'lib, 60,5 % ni tashkil etadi. Bu aholi real daromadlari boshqa viloyatlardan ko'ra yuqoriroq ekanligi bilan izohlanadi.

### Shahar va tumanlar kesimida ko'rsatilgan bozor xizmatlari tarkibi % da (2020-yil yanvar-fevral oyida)



Eng katta ulush Buxoro shahri (60,5 %), G'ijduvon (10,3 %), Buxoro (3,7 %) va Vobkent (3,5 %) tumanlari va Kogon shahri (3,4 %) da qayd etildi.

Xizmatlar sohasining eng past ko'rsatkichlari Qorovulbozor (1,3 %), Kogon (2,1 %), Olot (2,2 %) va Shofirkon (2,3 %) tumanlarida kuzatildi.


**Ma'lumot uchun:** 2019-yil yanvar-fevral oyida ko'rsatilgan bozor xizmatlari umumiyligi hajmida Buxoro shahrining ulushi 58,2 % ni tashkil etgan. Qorovulbozor tumanining ulushi esa eng past - 1,8 % qayd etilgan.

Xizmatlar sohasidagi aksariyat faoliyat turlarining o'ziga xos xususiyati bu - mahalliylashtirishning yuqori darjasini, ma'lum bir hududga (hudud, tuman, shahar va qishloq aholi punktlari) bog'liqligi hisoblanadi. Shu sababli, faoliyatning hajmi, joylashishi, faoliyat turlari va ko'lamlari, mulkchilik shakllari, korxona va xizmat ko'rsatish tashkilotlarining ishlashi

Dastlabki ma'lumotlar

uslublari, ularning modernizatsiya qilishdagi roli va rivojlanish potensiali, mintaqalarning iqtisodiyotidagi innovatsion o'zgarishlarning ehtiyojlari, ustuvorliklari va strategiyasi bilan o'zaro bog'liq bo'lishi kerak.

### Shahar va tumanlar kesimida ko'rsatilgan bozor xizmatlarining o'sish sur'atlari o'tgan yilga nisbatan % da (2020-yil yanvar-fevral oyida)



Ushbu davrda yuqori o'sish sur'atlari Buxoro shahri (114,4 %), Vobkent (107,8 %), Kogon (106,0 %) tumanlari va Kogon shahrida (106,0 %) qayd etildi.

Nisbatan past o'sish sur'atlari Jondor (104,0 %), Olot (104,5 %), Shofirkon (104,5 %), Romitan (104,6 %) tumanlarida kuzatildi.

Dastlabki ma'lumotlar

Ko'rilibotgan davrda resurslardan samarali foydalanish natijasida shahar va tumanlar bo'yicha Buxoro shahri, ko'rsatilgan bozor xizmatlari jami hajmining o'sishiga ta'sir ko'rsatdi. O'tgan yilning shu davriga nisbatan ushbu hududda ko'rsatilgan bozor xizmatlari hajmi 194,0 mlrd. so'mga oshdi va 866,1 mlrd. so'mga yetdi.

### Shahar va tumanlar bo'yicha ko'rsatilgan xizmatlarning asosiy ko'rsatkichlari (2020-yil yanvar-fevral oyida)

	Hajmi, mln. so'm	O'tgan yilga nisbatan o'sish sur'ati % da	Aholi jon boshiga ko'rsatilgan bozor xizmatlari hajmi, ming so'm
Buxoro viloyati	1 431 813,7	110,1	749,8
Olot	31 737,8	104,5	323,2
Buxoro	52 571,9	105,0	319,4
Vobkent	49 926,6	107,8	361,3
G'ijduvon	146 772,2	105,1	487,3
Jondor	33 183,0	104,0	192,3
Kogon	30 650,6	106,0	397,5
Qorako'l	41 194,2	104,9	253,5
Qorovulbozor	18 785,2	80,2	1 032,2
Peshko'	35 223,5	105,4	290,1
Romitan	43 673,4	104,6	312,2
Shofirkon	32 913,7	104,5	187,5
shaharlar:			
Buxoro sh.	866 081,1	114,4	3102,0
Kogon sh.	49 100,5	106,0	806,2

Shu bilan birga, nisbatan yuqori ko'rsatkichlar G'ijduvon (146,8 mlrd. so'm), Buxoro (52,6 mlrd. so'm) tumanlari va Kogon shahri (49,1 mlrd. so'm) tumanlarida qayd etildi.

Dastlabki ma'lumotlar

Ma'lumki, xizmatlar sohasining rivojlanish darajasi aholining hududiy va ijtimoiy harakatchanligini, yangi xo'jalik hududlarini o'zlashtirish, ishlab chiqarish samaradorligini va moddiy mahsulotlar iste'molini oshirishni ta'minlaydi.

2020-yil yanvar-fevral oyida aholi jon boshiga ko'rsatilgan bozor xizmatlari hajmi 749,8 ming so'mga yetdi.

O'tgan yilning shu davriga nisbatan o'sish sur'ati 108,4 % ni tashkil etdi.

Aholi jon boshiga ko'rsatilgan bozor xizmatlari hajmi -  
749,8 ming so'm

2019-yil yanvar-fevral oyiga nisbatan



Viloyatda xizmatlar sohasining rivojlanishi aholining o'sib borayotgan to'lov qobiliyati va imtiyozlariga, xususan, axborot-kommunikatsiya texnologiyalaridan foydalangan holda, ayniqsa zamonaviy xizmat turlariga bo'lgan iste'molchilar talabini qondira oladigan kichik biznesning rivojlanishiga bog'liqdir.

Boshqacha qilib aytganda, bir tomondan, xizmatlarni ishlab chiqarish hajmiga uy xo'jaliklari daromadlari va imtiyozlar, xizmatlarga tariflar, boshqa tomondan - investitsiyalar, soliq, pul-kredit va davlat siyosati, ilmiy-texnik siyosat, shuningdek kichik biznesning rivojlanishi kabi omillar ta'sir qiladi.

Xizmatlar sohasi statistikasi bo'limi

65-223-79-41